

# 'Blair penjenayah perang'

UM - 9/1/2007

PUTRAJAYA 8 Jan. - Tun Dr. Mahathir Mohamad hari ini berkata, Perdana Menteri Britain, Tony Blair juga seorang penjenayah perang sama seperti tuduhannya terhadap bekas Presiden Iraq yang dihukum gantung, Saddam Hussein.

Bekas Perdana Menteri itu berkata, bilangan orang yang telah terbunuh disebabkan Blair adalah jauh lebih banyak berbanding jumlah mereka yang terbunuh berpunca daripada Saddam.

"Blair tidak berkata apa pun (mengenai hukuman gantung itu). Sama ada dia berkata sesuatu atau tidak, dia pun bersalah. Dia juga seorang penjenayah perang sama seperti dia menuduh Saddam sebagai seorang penjenayah perang," kata Dr. Mahathir pada sidang akhbar di sini untuk mengumumkan penganjuran satu persidangan yang bertujuan mengisytihar perang sebagai satu jenayah di Kuala Lumpur bulan depan.